

## CONVOCATORIA DE ASIGNACIÓN DE TRABALLOS DE FIN DE GRAO DO ESTUDANTADO DOS GRAOS DA FACULTADE DE FILOLOXÍA E DO GRAO EN LINGUA E LITERATURA ESPAÑOLAS DA FACULTADE DE HUMANIDADES DO CAMPUS DE LUGO

### CURSO 2022-2023

A Facultade de Filoloxía da Universidade de Santiago de Compostela convoca o estudantado de grao da Facultade de Filoloxía do Campus Norte e o estudantado do Grao en Lingua e Literatura Españolas da Facultade de Humanidades do Campus de Lugo para a asignación do Traballo de Fin de Grao (TFG) no curso 2022-2023.

A realización do TFG réxese polo Regulamento de matrícula, elaboración e defensa dos TFG e TFM da Universidade de Santiago de Compostela (USC) aprobado polo Consello de Goberno de 10 de marzo de 2016 e pola Normativa do TFG das titulacións de Grao en Filoloxía Clásica, Grao en Lingua e Literatura Españolas, Grao en Lingua e Literatura Galegas, Grao en Lingua e Literatura Inglesas e Grao en Linguas e Literaturas Modernas da USC aprobado polo Consello de Goberno o 25 de febreiro de 2021.

### 1.- Obxectivo do TFG

Segundo se establece no artigo 14 do Real Decreto 822/2021, de 28 de setembro, polo que se establece a organización do ensino universitario e do procedemento de aseguramento da súa calidade: "O TFG, de carácter obrigatorio e cuxa superación é imprescindible para a obtención do título oficial, ten por obxectivo esencial a demostración por parte do/a estudante o dominio e aplicación dos coñecementos, competencias e habilidades definitorios do título universitario oficial de Grao".

### 2.- Número de créditos

O TFG da Facultade de Filoloxía e do Grao en Lingua e Literatura Españolas da Facultade de Humanidades ten asignados 12 créditos ECTS obrigatorios o que supón un total de 300 horas de traballo dos/as estudantes.

### 3.- Oferta de prazas

As liñas temáticas e titores/as que se poden solicitar e as súas características son as que se indican no Anexo I da presente convocatoria.

### 4.- Solicitud de titor/a e liña temática de TFG: modalidades

- Individualmente: o estudantado poderá solicitar titor/a e liña temática individualmente no formulario do Anexo II indicando a orde de prelación das liñas solicitadas.**
- En equipo: o estudantado fará a solicitude no formulario do Anexo II indicando os nomes dos membros do equipo.
- Prórroga do TFG obtido no curso 2021-2022: o estudantado que desexe solicitar prórroga de titor/a e liña temática obtida no curso 2021-2022 cubrirá o formulario do Anexo III. A solicitude deberá contar coa sinatura do/a titor/a do TFG. En ningún caso se prorrogará un TFG máis dun

curso académico. Esta prórroga da asignación non implica unha prórroga da matrícula, de xeito que o/a estudante deberá realizar unha nova matrícula cando corresponda. O/A estudante tamén pode solicitar no novo curso académico a asignación dun novo/a titor/a e liña temática.

#### 5.- Prazo e lugar de presentación de solicitudes de titor/a e liña temática

O prazo de presentación de solicitudes iniciárase o 19 de setembro e rematará o 30 de setembro de 2022 no 1º cuadrimestre e do 1 ao 7 de febreiro de 2023 no 2º cuadrimestre. A convocatoria publicarase no Taboleiro Electrónico da USC e na web da Facultade de Filoloxía (<https://www.usc.gal/gl/centro/facultade-filoloxia/tfg>).

As persoas candidatas deben formalizar a súa solicitude enviando o formulario do Anexo II ou Anexo III, segundo corresponda, da presente convocatoria, cuberto e asinado, ao enderezo de correo electrónico [filoloxia.decanato@usc.gal](mailto:filoloxia.decanato@usc.gal), cando se solicite praza para a Facultade de Filoloxía do Campus Norte, ou ao correo electrónico [fhdeca@usc.gal](mailto:fhdeca@usc.gal) para a Facultade de Humanidades de Lugo, ou ben presentando o formulario na Secretaría do Decanato da respectiva Facultade. Así mesmo, este formulario estará dispoñible na intranet da web do centro.

#### 6.- Procedemento de asignación de titor/a e liñas temáticas

Segundo indica o artigo 8 da Normativa de TFG da Facultade de Filoloxía, a asignación será feita en tres fases. Nunha primeira fase, de acordo co calendario anual de TFG, a Comisión de TFG (CTFG) aprobará a asignación, que terá en conta as preferencias expresadas na solicitude, seguindo, nesta fase, un criterio de prioridade en función do expediente académico de cada solicitante. Finalizado o proceso, abrirase unha segunda fase no caso de que haxa algún/unha estudante a quen non se lle asignase ningunha das propostas incluídas na súa solicitude. A Comisión deberá primeiramente comunicar aos/as titores/as as eventuais solicitudes de dirección de TFGs que non puideron ser atribuídas, e o/a titor/a poderá aceptar dirixir TFGs, mesmo a maiores do número de prazas ofrecidas. Concluído ese proceso, a CTFG procederá á asignación de oficio dunha liña temática e titor/a. Igualmente poderá considerar a oportunidade de facer unha segunda chamada, tamén para casos excepcionais ou para a atención de solicitudes fóra de prazo, se os houber.

A asignación de titor/a e liña temática será pola nota media que figure no expediente académico coa data do último día de presentación de solicitudes.

A asignación de TFG en equipo farase tendo en conta o expediente individual de cada membro. En ningún caso poderá ser atribuído un TFG, na primeira fase de oferta e selección de liñas temáticas por parte da Comisión, a un equipo se a nota media do expediente académico dalgunha das persoas integrantes deste está por baixo doutra persoa que solicitou serlle atribuída a liña.

#### 7.- Listaxe provisoria e definitiva de asignación de titor/a e liña temática

A listaxe provisoria de asignación de titor/a e liña temática e solicitudes de prórroga publicarase o 5 de outubro de 2022 no 1º cuadrimestre e o 10 de febreiro de 2023 no 2º cuadrimestre. Contra esta listaxe caberá reclamación ante o Decanato da Facultade dende o día seguinte á publicación no taboleiro electrónico da listaxe provisoria: 6, 7, 10 e 11 de outubro de 2022 no 1º cuadrimestre e 13, 14 e 15 de febreiro de 2023 no 2º cuadrimestre.

A publicación da listaxe definitiva de asignación de titor/a e liña temática no taboleiro electrónico da USC será o 14 de outubro de 2022 no 1º cuadrimestre e 17 de febreiro de 2023 no 2º cuadrimestre.

As reclamacións á listaxe provisoria faranse no rexistro electrónico da Sede Electrónica na seguinte ligazón: <https://sede.usc.es/sede/publica/registroEntrada/solicitudes/listaxe.htmr>

A listaxe definitiva poderá ser recorrida enalzada no prazo máximo dun mes ante o Decanato ou directamente ante o reitor, segundo os artigos 121 e 122 da Lei 39/2015.

### 8.- Solicitudes de delimitación de título e resumo

Unha vez publicada a listaxe definitiva de asignación de titor/a e liña temática abrírase o prazo de solicitude de delimitación de título e resumo do 17 de outubro ao 10 de novembro de 2022 no 1º cuadrimestre e do 20 de febreiro ao 8 de marzo de 2023 no 2º cuadrimestre.

O estudantado deberá contactar co seu/súa titor/a co fin de delimitar o título do TFG, remitindo posteriormente á CTFG, a través da Secretaría da Facultade, o formulario de delimitación de título e resumo do Anexo IV.

### 9.- Calendario de TFG

O calendario da convocatoria de TFG da Facultade de Filoloxía e do Grao en Lingua e Literatura Españolas da Facultade de Humanidades do Campus de Lugo está no Anexo V.

### 10.- Lugar de notificación dos actos derivados da presente convocatoria

Os actos derivados da presente convocatoria publicaranse no taboleiro electrónico da sede electrónica da USC: <https://sede.usc.es/sede/publica/taboleiro/inicio.htm>, así como na páxina web da Facultade de Filoloxía: <https://www.usc.gal/gl/centro/facultade-filoloxia/tfg>.

Poderase contactar con estudantes concretos para solicitarlles a modificación de solicitudes ou corrección de erros mediante correo electrónico ao correo institucional da USC ou mediante notificación en sede electrónica.

Santiago de Compostela, na data indicada na sinatura electrónica.  
O Decano da Facultade de Filoloxía  
Elias José Feijó Torres

## Sinatura dixital / Firma digital / Digital signature

**Asinante/Firmante/Signer:** ELIAS JOSE FEIJO TORRES, DECANO A DA FACULTADE DE FILOLOXIA,  
UNIVERSIDAD DE SANTIAGO DE COMPOSTELA, 13/09/2022 17:23:37.

**CSV:** E27D-E736-4C9A-8E49